

Մ Ե Ղ Վ Ա Ք Ո Ւ Ծ Ո Ւ Թ Յ Ո Ւ Ն

Զանգեզուրի տեղական մեղուն աչքի է ընկնում նույն առանձնահատկություններով, որոնք հատուկ են առհասարակ Հայկական լեռնաշխարհի մյուս գավառների մեղուններին: Նա հայտնի է խաղաղ բնավորությամբ ու մարդու լավ ընտելացած լինելով: Երկար կնճիթը թույլ է տալիս նրան ավելի խորքից ծծելու ծաղիկների մեղրատու հյութը: Փեթակն այստեղ նույն քօցն էր, որին հանդիպում ենք և՛ Ղարաբաղում, և՛ Գանձակի (այժմ Կիրովաբադի) շրջանում, և՛ Լոռում—բարակ ճյուղերից հյուսված (մոտ 1 մ երկարությամբ և 25—35 սմ տրամագծով) գլանաձև քօցներ՝ վրայից քրփալ ծեփած՝ քրփած: Մի քանի գյուղերում փեթակը կազմվում է երեսներով իրար կպցրած և արանքները քրփալ ծեփած երկու համահավասար երկար տաշտերից: Փեթակներն իրար վրա էին դարսվում հորիզոնական ուղղությամբ զետնից որոշ բարձրության վրա, հորիզոնական ձողերի վրա, դռնակները քամուն հակառակ կողմը դարձրած: Այսպիսով ստացվում էր փեթակների փառախ, որոնք թողնվում էին բուլբուլի բացօթյա՝ ծածկվելով միայն տախտակներով, հին-մին ֆելչաներավ, ամեն տեսակ շորեղենով՝ անձրևներից պաշտպանելու համար, կամ զետեղում էին նախնական ձևով շինած տանիքի տակ, որը ծածկում էին խոտով, ծղոտով կամ հողով⁷⁰:

Եթե փեթակներից մեկը գողանում էին, ապա մնացածներն ըստ ավանդության ենթակա էին փշացման, կամ միջի մեղունները կարող էին կոտորվել: Վախենում էին շար աչք ունեցողից— նրա նայելուց կամ ճանձը կվնասվեր և կամ մեղունների մայրը կընկներ ու կկորչեր խոտերի մեջ:

Մեղր կտրելիս հրավիրում էին բարի ձեռք ունեցող մարդու, որ մեղրը փեթակի մեջ միշտ անպակաս մնա: Յույց չէին տալիս ուրիշին, թե ինչքան են մեղր կտրել՝ հավաքել, կամ ինչքան մեղր կար իրենց քօցների մեջ:

Հ Ա Վ Ա Ք Ո Ւ Ծ Ո Ւ Թ Յ Ո Ւ Ն

Հավը, որը հայ գյուղացու տնտեսության մեջ շատ կարևոր դեր է խաղում, իր հատուկ հավաքունը չունի Զանգեզուրի գյուղերում: Ամառը նա քնում էր դուրսը՝ տան մոտ եղած ծառի ճյուղերի վրա կամ առհասարակ, որտեղ կարող է թառել, իսկ ձմեռը տան ներսը կամ գոմում սարքած թառի վրա: Ձու ածելու համար տանտիկիներ հարմարեցնում է որևէ առանձնացած, մեծ մասամբ մարդու աչքից հեռու մի անկյուն: Որպեսզի հավն ավելի շատ ձու ածի, պառավները նրա հետույքը թեթև խանձում էին Գօնդոսոնի՝ Տյառնընդառաջի տոնին խարույկից վերցրած կրակով, որպեսզի նրա զորությունը նպաստի բեղմնավորմանը և բազմանալուն:

Տավարը կա՛մ վըրթէրանի⁷¹,
Վօշխարը կա՛մ կաննէրանի⁷²,
Էծէրը կա՛մ հօլէրանի⁷³,
Օձը կա ճրտէրանի...
Էս մընը լակ՝,
Զիմ ծակ⁷⁴...

⁷⁰ СМОМПК, вып. XXXIV, отд. I, էջ 189, և вып. XXV, отд. II, էջ 28—30:

⁷¹ Հորթերով:

⁷² Գառներով:

⁷³ Ուլերով:

⁷⁴ Բուր ձվերը նախը ծակեն՝ դուրս գան: